



gazeTi gamodis  
1931 wl is 5 ianvrican

# კ ლ ი ო ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება  
ფასი 30 თეთრი

## საკრებულოს სხდომაზე

გაზეთი „ალიონი“



7 მარტს საკრებულოს მორიგი სხდომა გაიმართა, რომელ-  
მაც თხუთმეტამდე საკითხი განიხილა.

პირველ საკითხად ოზურგეთში 2012 წლის ბიუჯეტში  
ცვლილებები განიხილეს.

თებერვალში სასოფლო-სამეურნეო მიწების არასასოფლო-  
სამეურნეო მიზნით გამოყოფისას სანაცვლო მიწის ღირებულ-  
ებიდან მიღებული შემოსავალი 14700 ლარი. მიღებული შემ-  
ოსავლიდან დაფინანსდა სარეზერვო ფონდი 10000 ლარით; გამ-  
გეობის ტრანსპორტის სათადარიგო ნაწილების შექმნა- 1000  
ლარით; განათლების ხელშეწყობის პროგრამა-3700 ლარით.

განიხილეს ბიუჯეტით გამოყოფილი თანხებიდან მუხლო-  
ბრივი ცვლილებები. მაგ. გამგეობის ხელმძღვანელობის სახ-  
ელფასო მუხლიდან 5400 ლარი საპრემიო მუხლში გადაიტანეს,  
ხოლო 400 ლარი კომპიუტერული ტექნიკის შეძენის ხარჯებში.

საკრებულოს სხდომის წინა დღეებში საზოგადოებრივი  
დარბაზის სხდომა ჩატარდა, რომელმაც ოზურგეთის კომუ-  
ნალური მომსახურების ცენტრის, სკოლამდელი სააღმზრდელო-  
საგანმანათლებლო ცენტრის და ისტორიული მუზეუმის  
სტრატეგიული განვითარების გეგმები განიხილეს. ეს პროექტე-  
ბი ოზურგეთის ახალგაზრდა მეცნიერთა კლუბის პროექტის  
ფარგლებში მომზადდა და საინტერესოდა წარმოდგენილი ამ  
ორგანიზაციების 2012-2017 წლების ხედვები და პერსპექტივებ-  
ი. საკრებულოს სხდომაზე აქედან ორი გეგმა დამტკიცდა,  
ხოლო მუზეუმის სტრატეგიული განვითარების გეგმას მომავალ  
სხდომაზე განიხილავენ. სხდომამ სხვა საკითხებიც განიხილა და  
დამტკიცა.

## „მე ქალი ვარ“, სახლებში ჩაპარბული მარბალიტები

ინფორმაციული



გზ-2

## რიჩარდ ლუგარი აშშ-ის პრეზიდენტს ნატო-ში საქართველოს გაწევრიანების საგზაო რუკის შეშუშავებისაკენ მოუწოდებს

ამერიკელი სენატორი რიჩ-  
არდ ლუგარი ბარაკ ობამას ნა-  
ტო-ში საქართველოს გაწევრი-  
ანების საგზაო რუკის შემუ-  
შავებისკენ მოუწოდებს. როგ-  
ორც ლუგარის ოფიციალური  
ვებგვერდი იუწყება, ამის შეს-  
ახებ სენატორის მიერ მომზადე-  
ბულ ნატო-ს გაფართოების შეს-  
ახებ კანონპროექტშია ნათქვამი.



კანონპროექტი, ალიანსის  
გაფართოებასთან ერთად, მოკავ-  
შირებთან აშშ-ს სტრატეგიული  
პარტნიორობის გაღრმავებას ეხება.

ლუგარს მიაჩნია, რომ ნატო-ს  
წევრობის პერსპექტივამ აღმოსავ-  
ლეთ ევროპასა და ბალკანეთის  
რეგიონში გააუმჯობესა არა მხოლო-  
დ უსაფრთხოება, არამედ სახელმწ-  
იფოები ეკონომიკური და უსაფ-  
რთხოების სფეროში აშშ-ის უფრო  
მჭიდრო პარტნიორობად აქცია.

ლუგარის კანონპროექტის მი-  
ხედვით, კიდევ ერთხელ უნდა დადას-  
ტურდეს ნატო-ს ღია კარის პოლი-  
ტიკა ყველა კომპეტენტური ქვეყ-  
ნისთვის და უარყოფილ იქნას გავლ-  
ენათა სფეროების ცნება.

„აშშ-ის კანონმდებლობაში გაც-  
ხადდეს, რომ ნატო-ს წევრობის მსუ-  
რველი ოთხივე ქვეყანა (ბოსნია და  
ჰერცეგოვინა, საქართველო, მაკედო-  
ნია და მონტენეგრო) უნდა ჩაითვ-  
ალოს ნატო-ს წევრობის „პრეტენდე-  
ტებად“ (ასპირანტს)“, - ნათქვამია  
კანონპროექტში.

ლოკუმენტის ერთ-ერთ პუნქტში

ასევე დაფიქსირებულია მოწოდება  
აშშ-ის პრეზიდენტის ბარაკ ობამას  
მიმართ.

„კანონპროექტი მოუწოდებს  
პრეზიდენტ ობამას, 2012 წლის  
ჩიკაგოს სამიტისთვის უზრუნველყოს  
გასაგები საგზაო რუკა ნატო-ში  
ბოსნია და ჰერცეგოვინას, საქართვე-  
ლოს, მაკედონიისა და მონტენეგროს  
შესვლასთან დაკავშირებით“, -  
აღნიშნულია კანონპროექტში.

ლოკუმენტში ლუგარი ასევე  
მოუწოდებს აშშ-ის კონგრესს, ხელი  
შეუწყოს ნატოს გაფართოებას და  
ამერიკის პოლიტიკას საქართველოს  
სუვერენიტეტისა და ტერიტორიული  
მთლიანობის მხარდაჭერის საკითხში.

რიჩარდ ლუგარი ნატო-ს გაფა-  
რთობას 1990 წლიდან აქტიურად  
უჭერს მხარს. მას ალიანსში  
პოლონეთის, უნგრეთის, ჩეხეთის,  
ბულგარეთის, ესტონეთის, ლატვიის,  
ლიტვის, რუმინეთის, სლოვაკეთის,  
სლოვენეთის, ალბანეთის და ხორ-  
ვატიის შესვლის პროტოკოლები  
აქვს წარდგენილი.

## „ქალი მსგავსი გავაფხულის“

ინფორმაციული



- ყველა ქალი (დედა) მსგა-  
ვისა ღვთისმშობლისა, არასოდეს  
არ გაფერმკრთალებულიყოს ეს მს-  
გავსება. ეს უდიდესი მაღლი და

წყალობა ღვთ-  
ისა. - ლამაზი  
სიტყვებით და  
მხიარული გან-  
წყობით მიმარ-  
თავდნენ წამყვ-  
ანები: მსახიობი  
ზაზა ჯინჯარაძე  
და ჟურნალისტი  
ეკატერინე მე-  
ლაძე რესტორან  
„გურიამი“ შეკ-  
რებილ ქალბატ-  
ონებს, რომელიც  
მუნიციპალიტე-  
ტის გამგეობის,  
კულტურის  
სამსახურისა და  
კულტურის ცენ-

გზ-2

## მომავალი კვირის განმავლობაში არამდგრადი ამინდი უნარჩუნდება



მომავალი კვირის განმავლობაში ქვეყნის  
მასშტაბით არამდგრადი ამინდი უნარჩუნდება.  
როგორც "ინტერპრესნიუსს" გარემოს დაცვის  
სამინისტროს პროგნოზირების ცენტრის სინოპ-  
ტიკოსმა, თამარ პაპაშვილმა განუცხადა, 16 მარტის  
ჩათვლით დასავლეთ საქართველოში იწვიმებს.  
ტემპერატურა ზვალ ღამით მინუს 2 +3 გრადუსი,  
13 და 14 მარტს კი +1 +6 იქნება, დღისით კი +6  
+11 გრადუსის ფარგლებშია მოსალოდნელი.

აღმოსავლეთ საქართველოში ზვალ, ნალექია  
ნავარაუდები, უმეტესად თოვლის სახით, 13 და 14  
მარტს კი თოვა მხოლოდ ზოგიერთ რაიონში  
უნარჩუნდება.

დღეს, ტემპერატურა 0-დან 5 გრადუსამდე  
იქნება, ღამით კი მინუს 7 მინუს 2, 13 და 14  
მარტს დღისით 7-დან 12 გრადუსამდე გათბება,  
ღამით მინუს 3 +2 გრადუსია ნავარაუდები.

ნალექთან ერთად მთელს საქართველოში  
ზვალ, აღმოსავლეთის ძლიერი ქარი იქნება, რომ-  
ლის სიჩქარე დასავლეთ საქართველოს ზოგიერთ  
რაიონში 30 მეტრს წაშში, ხოლო აღმოსავლეთში  
- 20-25 მეტრს წაშში მიაღწევს.

15 მარტიდან სინოპტიკოსები ისევ არამდგრად  
და ცივ ამინდს პროგნოზირებენ.  
დასავლეთ საქართველოში უამინდობამ  
მნიშვნელოვანი პრობლემები შექმნა.

უამინდობის გამო ყველა სახის ტრანსპორტის  
მოძრაობა შეზღუდულია საჩხერე-ჭიათურა-ზესტა-  
ფონის მონაკვეთზე.

აღვილზე მობილიზებულია საგზაო დეპარტა-  
მენტის ტექნიკა. გაწმენდითი სამუშაოები ამინდის  
გაუმჯობესებისთანავე დაიწყება.

ცუდი ხილვადობის გამო, რიკოთის  
უღელტეხილზე მოძრაობა აეკრძალა ტრაილერის  
ტიპის ავტომანქანებისთვის, რის გამოც სატვირთო  
მანქანები ხაშურთან არიან გაჩერებულიები.

სინოპტიკოსების განცხადებით, დასავლეთ  
საქართველოში, სამი დღის განმავლობაში ნალექი  
უნარჩუნდება, შემდეგ კი ძლიერი ქარი იქნება.

	წვიმა +7+11		წვიმა +6+11		წვიმა +3+11		წვიმიანი თოვლი +1+5		წვიმიანი თოვლი -1+3		წვიმიანი თოვლი -1+3		მზე +6+8
12 მარტი, ორშაბათი	13 მარტი, სამშაბათი	14 მარტი, ოთხშაბათი	15 მარტი, ხუთშაბათი	16 მარტი, პარასკევი	17 მარტი, შაბათი	18 მარტი, კვირა							

## 7 დღის ამინდის პროგნოზი



# „ქალი მსბავსი ბაზაფხულის“

ტრის ინიციატივით გაიმართა. საზოგადოებრივი ცხოვრების სხვადასხვა სფეროდან წარმოდგენილი ქალბატონებისთვის, მათი დამსახურების მიხედვით, სხვადასხვა ნომინაცია იყო დაწესებული და მათ საჩუქრები გადასცეს. მრავალშვილიანი დედა - შორენა სალუქვაძე; ექიმი ნანა ტრაპაძე; მეცნიერ-მუშაკი - მანანა ლომაძე; საჯარო მოხელე - მზია ნინიძე; ბიბლიოთეკარი- ციური მოისწრაფიშვილი; მსახიობი - მარგო ავაქიანი; მედლა - ლენა ტულუში; სახელოვანი დედა - თინა გოგუაძე (აღუქმდნენ ტულუშის დედა); პედაგოგი (მუსიკალურ დარგში) - ეთერ შარაშიძე; დიზაინერ-დეკორატორი რუსუდან მდინარაძე; კურიერი - ნინა მანარაძე; ინსპექტორ-გამომძიებელი - ნანა მამიშვილი; მეზოვე - ნაზი ტიკარაძე; ბოხაურის საჯარო სკოლის დირექტორი- თამარ ყურაშვილი; პედაგოგი - შუჟუნა

გობრონიძე. კარგი იქნებოდა, ღვაწლმოსილ ქალბატონებს შორის, მოწვეული ყოფილიყო ორი-ოდე ღვაწლმოსილი ჟურნალისტი ქალბატონი, რომელთაც დიდი დამსახურება მიუძღვით ჟურნალისტიკის განვითარებაში და არა მარტო ჟურნალისტიკისა. ღონისძიება გააღმახეს ადგილობრივმა თვითმმართველმა კოლექტივებმა. ანსამბლი „მუხამბაზი“ (ხელ-ლი ნატალია ხომერიკი); კვარტეტი „პარმონია“; ანსამბლი „ლორჯი იალქანი“ შემსრულებლები: ნატალია ხომერიკი, ეკა ჭელიძე, ავთო მყავია, რეზო ხომერიკი, ლალუკა დლონტი, ლევან კვინტრაძე, მარენი მყავანაძე, მათი თითობაძე. მათი სიმღერები არანაკლებ უხდებოდა ღონისძიებას და ქალაქს, როგორც ზოგიერთი მოწვეული სტუმრის გამოსვლა სხვადასხვა დღესასწაულზე - გამოითქვა დარბაზში ასეთი აზრი.

# „მე ქალი ვარ“, სახლებში ჩაპარბული მარბალიტები

ოზურგეთის სამხატვრო გალერეაში ქალთა ნამუშევრების გამოფენა გაიმართა. გამოფენა გაიმართა ა (ა) იპ.-ქალები რეგიონის განვითარებისთვის“ (ხელმძღვანელი ქეთევან ხიდაშელი) და სტუდენტურ-ასპელგაზრდული სათათბიროს პოლიონელი მოხალისეების თურგა კრავილიტის, იოლანდა გოზდვიკის, ავატა კესოლოვსკის, იაკუბ სევერინის ინიციატივით. თამარ ლომთათიძის, მარენი გობრონიძის, ნათია შათირიშვილის, იაშვი ძიძიგურის, ცისანა ღლონტის, ლია გოგოლიშვილის, მათა სადრადის, აზა რუსიშვილის, ნინო ფიჩხაძის, ნათია გორდელაძის, შორენა კაკუტაძის, ქეთინო გობრონიძის, ნანა ბასილაშვილის, მანანა კიკაბიძის, მათა თავაძის, ლეილა გორგაძის, ქეთინო ცეცხლაძის, მათა ართმელაძის, ქეთინო ღლონტის, იაშვი ირემიძის, ეკა ჭელიძის, ნაზი ირემიძის, ვჟული კეთილაძის, ნინო ზომასურიძის, ეკა ბარამიძის, ნინო კეჭყვიანიძის ნამუშევრები, სხვადასხვა მასალითა და თემატიკით შესრულებული, სასიამოვნო გარემოს ქმნიდა გალერეის დარბაზში. საინტერესო იყო ნასაკირალელი ქალების ნამუშევრები, რომელშიც ერთმანეთთანაა შერწყმული ქართული და აღმოსავლური სტილი. ჩემი ოჯახის გასალამაზებლად ვაკეთებდი ყველაფერს და საბოლოო ჯამში რაღაც გამოვიდა - აღნიშნა ჩვენთან საუბარში ლია გოგოლიშვილმა. გამოფენის ორგანიზატორმა ქეთევან ხიდაშელმა ქალთა უფლებებსა და მძიმე შრომაზე გაამახვილა ყურადღება და აღნიშნა,



08/03/2012 14:26

რომ ქალი საზოგადოებრივ საქმიანობაში მეტად უნდა იყოს ჩაბმული. - ქალისთვის მხოლოდ ოჯახში ფუნქციონირება არ არის საკმარისი. ეს დღე ნიშნავს ქალს მეტი ამბიცია ჰქონდეს საზოგადოებრივ აქტიურობისა. მათა ბერიძე, ძალადობისგან დაცვის ეროვნული ქსელის ხელმძღვანელი გურიის რეგიონში. : - მძიმე შრომის გარდა ქალები ასერხებენ ასეთი ნამუშევრების შექმნას და ეს ძალიან მნიშვნელოვანია. - ქალს უნდა ჰქონდეს მაღალი პოსტი. ამის მაგალითი მე თავად ვარ და არაფერში არ მიშლის ხელს, რომ ქალი ვარ - მიმართა შეკრებილთ პოლიონეთის ელჩმა ურსულა დოროშვიტსკამ და მადლობა გადაუხადა მეუღლეს თანადგომისათვის. ქალბატონებს გაზაფხულის დღესასწაულები მიულოცეს: გონა შანიძემ, ილია ვაშაყვაძემ, ალექო მამეშვილმა, მიმა გოგოლიშვილმა, ლალი ბასილაშვილმა.

# ლიტერატურული კონკურსი უეჯამდა



02/03/2012 13:32

ერთიანი ნაციონალური მოძრაობის ეგიდით ოზურგეთის მუნიციპალიტეტის სკოლებში ლიტერატურული კონკურსი ჩატარდა, რომელსაც მოსწავლეთა საუკეთესო ნაშრომები უნდა გამოეგვინა. ჟიურის (ნინო სვანიძე, ლალო ლალიძე, მანანა ქილიფთარი) არაერთი ნაშრომის განხილვა მოუწია, რომ საბოლოოდ გამარჯვებულები გამოეგვინა. ჟიურის წევრის, ჟურნალისტი მანანა ქილიფთარის თქმით, არ შეცვლილა მოსწავლეების დამოკიდებულება ცოდნისადმი,

„ვეფხისტყაოსნისადმი,“ მაგრამ რაც ამ ნაშრომებს აკლდა, ეს არის გულწრფელობის დეფიციტი და გადატვირთულია არა მოსწავლეების, არამედ სხვისი მოსაზრებებით. თუმცა, მიუხედავად ამ შენიშვნებისა, მოსწავლეებმა კარგი ცოდნა გამოამჟღავნეს. კონკურსის სპონსორები იყვნენ: ოზურგეთის მუნიციპალიტეტის საკრებულოს წევრი, „გზამტეხი 18-ის“ დირექტორი თემურ ჯახვა, ოზურგეთის დრამატული თეატრის დირექტორი ზაზა ჯინჭარაძე, და იურისტი ია მემქანნიშვილი. მათ ფასიანი საჩუქრები გადასცეს გამარჯვებულ მოსწავლეებს. დაჯილდოებულთაგან პირველ სამეულში შევიდნენ: ბეკა მექვაბიშვილი (№4 სკოლა), ლევან თედორაძე (№2 სკოლა), სალომე აკობიძე (ნატანების სკოლა). მოსწავლეებს გამარჯვება მილოცეს ოზურგეთის მუნიციპალიტეტის საკრებულოს თავმჯდომარე ალექო მამეშვილმა, გამგებელმა ილია ვაშაყვაძემ, ნაციონალური მოძრაობის პრესსპიკერმა ლია კილაძემ.

# ბაზაფხულის დღესასწაულები ქალთა კლუბის წევრებს მიულოცეს

ნიმე ნიკოლაიშვილი

დემოკრატიული ჩართულობის ცენტრში ფონდ, სოხუმის“ ქალთა კლუბის წევრების შეკრება სარვამარტოდ გაიმართა და ოზურგეთელ ქალებს ფონდმა ამ დღის აღსანიშნავად სიურპრიზიც მიუშვადა. შეკრებაზე კლუბის მოდერატორმა ნანა კეკელიძემ, წევრებმა ქეთევან ქაღიეშვილმა, მარინა კიპარიძემ და ამ წერილის ავტორმა ისაუბრეს თემებზე: რვა მარტი; როგორ ხვდებოდნენ ძველად რვა მარტს; ქალთა მოძრაობა საქართველოში და ქალთა ორგანიზაციები.



შეკრებაზე ქალებს სარვამარტო საჩუქრები და ყვავილები გადასცეს.

# ყველაზე საამაყო შვილები

მარი კოპოვაძე

შეზღუდული შესაძლებლობების მქონე პირთა სარეაბილიტაციო ცენტრში დედის დღისადმი მიძღვნილი ღონისძიება მოაწვევს. სამ მარტს არა, მაგრამ ცოტა მოგვიანებით, ექვს მარტს დღის ცენტრის ბენეფიციარებმა მათთვის ქვეყნად ყველაზე საყვარელ ქალბატონებს დღესასწაული კონკრეტით მიულოცეს. იმ დღეს მათ მიერ წაკითხული ყველა ლექსი, ყველა ნამღერ სიმღერის ადრესატები საკუთარ შვილებს დარბაზიდან გულშემოტკივრობდნენ და აპლოდისმენტებით აჯილდოებდნენ. თითოეულ მათგანს სიამაყე ეტყობოდა, სიამაყე იმის გამო, რომ ასეთი კარგი შვილები ჰყავთ. სტენიდან საოცარი სითბო, დადებითი ემოცია მოდიოდა და მას ნამდვილად გრძნობდა მაყურებელი, რომელთა რიგებში ვიყავით ჩვენ, ისინი ვისაც ამ ბავშვების

ნიჭიერება უკვე აღარ გვაკვირვებს და არა მარტო ჩვენ. ორგანიზაციას იმ დრეს უცხო სტუმრები ესტუმრნენ. ბათუმის შეზღუდული შესაძლებლობების მქონე პირთა დღის ცენტრიდან იგივე სახის ორგანიზაციას ოზურგეთში გაცნობის მიზნით ესტუმრნენ. ცენტრის ბენეფიციარები, მასწავლებლები და ხელმძღვანელი, ნანა საყვარელიძე ღონისძიებას დაესწრნენ. ბავშვებმა ერთმანეთი გაიცნეს და შემდგომი ურთიერთობის გეგმებიც დასახეს. შეთანხმდნენ რომ მეგობრობას მომავალში აუცილებლად გააგრძელებენ. ნანა საყვარელიძემ ოზურგეთის ორგანიზაციის ბენეფიციარები ბათუმში დაპატიჟა „პირველ ივნისს, ბავშვთა დღეს ბათუმში გეპატიჟებით“ უთხრა ბავშვებს მან, რაზეც აქაურებისგან პირობა მიიღო.

# ბათუმის სისტემები გურიის სკოლებში

ნუზუარ ასათიანი

„ახალგაზრდა პედაგოგთა კავშირი“ ერთი წლის განმავლობაში ახორციელებდა პროექტს „ბავშვთა უფლებების მონიტორინგი“, რომელიც გურიის სკოლებში გათბობის სისტემების ფუნქციონირებას შეეხებოდა. როგორც პროექტის პრეზენტაციაზე ლევან მყავანაძემ თქვა, მონიტორინგის მიზანი იყო გამოგვეჩინა, რამდენად არის დაცული საჯარო სკოლებში ბავშვთა უფლებების კონვენციის 28-ე მუხლში დეკლარირებული საკითხები, ანუ შექმნილია თუ არა სკოლებში რეგულარული დასწრების ხელშემწყობი პირობები ზამთრის თვეებში. ამ მიზნით, შერჩეული იყო რეგიონის ქალაქების და სოფლების 25 საჯარო სკოლა და მონიტორინგის პროცესში და ანგარიშის მომზადებისას გამოიყენეს შემდეგი მეთოდები: დოკუმენტაციის ანალიზის, ბენეფიციართა ანკეტირების, ფოკუს-ჯგუფის შეხვედრა და ინტერნეტ კვლევა. კვლევამ აჩვენა, რომ ქალაქის ტიპის 9 სკოლიდან, მხოლოდ 5-ში არის დამონტაჟებული ბუნებრივ აირზე მომუშავე ცენტრალური გათბობის სისტემა. შესწავლილი სკოლებიდან ორში შემასთან ერთად გასათბობად ელექტროენერჯიასაც იყენებენ. სხვადასხვა სკოლები მკვეთრად განსხვავებულ პირობებში არიან: არიან სკოლები, რომლებიც ერთი მოსწავლის გათბობაზე 38 თეთრს ხარჯავენ, მაშინ, როცა ასევე არიან



28/02/2012 15:21

სკოლები, სადაც გასათბობად მხოლოდ 4 თეთრი იხარჯება. კვლევამ განამტკიცა ვარაუდი, რომ ზამთრის თვეებში სწავლა-სწავლების პროცესი დროში გაცილებით შეზღუდულია და ნაკლებად აქტიურია სწავლების მხრივ, რაც იმის დასკვნის საშუალებას იძლევა, რომ განათლება არ არის პრიორიტეტული დარგი; სკოლების დაფინანსების დღევანდელი სისტემა არასამართლიანია და დახვეწას მოითხოვს. რის გამოც სხვადასხვა სკოლა სხვადასხვა პირობებშია. პროექტის ავტორების რეკომენდაციით, საქართველოს განათლებისა და მეცნიერების სამინისტრომ უნდა გადახედოს სკოლების დაფინანსების არსებულ მოდელს და ცვლილებები შეიტანოს მასში, რათა ის ქმედითუნარიანი გახდეს და რეალურად შეძლოს სკოლაში არსებული ყველა საჭიროების დაფინანსება.

# ახალი სპექტაკლი თეატრში



გასულ პარასკევს ალ. წუწუნავას სახელობის ოზურგეთის სახელმწიფო დრამატულ თეატრში მორიგი პრემიერა გაიმართა. წარმოდგენილი იყო აქესენტი ცაგარელის „ოინბაზი“, რომლის დადგმა რეჟისორმა შოთა ბაბილოძემ (მასვე ეკუთვნის სცენოგრაფია) განახორციელა.

საინტერესო სახეები შექმნეს გიორგი დოლიძემ (თავადი ალექსანდრე), თეატრალური ინსტიტუტის კურსდამთავრებულმა ქეთი ცეცხლაძემ (სონა), თუ ვიჯიუშვილმა (მოსამსახურე მამო) და ვახტანგ ჩხარტიშვილმა (პრიკაშნიკი).

სპექტაკლი მუსიკალურად ნინო ვარაყანიძემ გააფორმა, ქორეოგრაფია მარიკა ქვეთაიას ეკუთვნის.

უნდა აღინიშნოს, რომ მოხუცდა უაღრესად ცივი ამინდისა, ერთგული მაყურებელი ჰყავდა პრემიერას. სპექტაკლს პარლამენტარი ვიქტორია შანიძე და ჟურნალისტები ესწრებოდნენ.

## წერილი რედაქციას

**ბაზაში „ალიონის“ რედაქტორს, ბატონ ნუგზარ ასათიანს**  
ბატონო ნუგზარ, ჩემი ნათლობა „ჟურნალისტიკაში“ წლების წინ, ვერ გახვდებოდა „გურია ნიუსმა“ და შემდეგ „გურიის მოამბემ“ იკისრა. მათ თითქმის ერთდროულად გამოაქვეყნეს ჩემი პირველი სტატია, „სოფლის (კოდვის) ტვირთი“. შემდეგ პერიოდულად, როცა გული გასკდომამდე მიდიოდა, რაღაცას ვწერდი... დიდ მადლობას ვუხდით ორთავე გაზეთს მეგობრობისა და თანადგომისათვის.

„ალიონი“ ბრძანდება ის გაზეთი, რომელმაც სამხატვრო გალერეაში, საშემოდგომო გამოფენაზე 30-მდე მხატვრის ნამუშევარს შორის, ბატონი ავთანდილ თაყაიშვილის და ჩემი ნამუშევარი მოიწონა და დაბეჭდა. უღრმესი მადლობელი ვარ, ჩემი მოკრძალებული ხელოვნების თანადგომისთვის... და მეც ვაგვამადი და ეს საკმარის მიზეზად მივიჩნევი, რომ „ალიონიც“ ჩემი მეგობრობით დავსავლო... და ვთხოვო, იქნებ დაბეჭდონ ჩემი—გვირგვინი საიდუმლო, რომელიც ჩემი სულის ამოძახილია.

ვინმემ ისე არ გაიგოს, რომ მე დასაკარგი არაფერი მქონდეს, მე მყავს ყველაზე მატერიალურ დასაკარგზე უპირფასეო —ანგელოზი შვილი და შვილიშვილი. სწორედ ჩემი შვილისათვის, თქვენი შვილისთვის და სხვისი შვილისთვის ვირჩევ, —მათ არ გაუტყდეთ გული და არ იფიქრონ, რომ ამ ქვეყანაში ყველა მშინაშარა, ლაჩარი და უღირსებოა, რომ არ იფიქრონ გურია მოკვდა, რომ გურულეებს გონება და კალამი მოუწლუნვდა.

## „ბრიფით საიდუმლო“

გურიის ტელევიზიით მოვისმინე ბატონ თემურ სალუქვაძის განცხადება მონიტორინგის ჯგუფის შექმნის აუცილებლობაზე, რათა მოხდეს ე.წ. „გურიის განვითარების ფონდის“ თანხების ხარჯვის გამჭვირვალობა. მან ხაზგასმით აღნიშნა აგრეთვე, რომ ეს თანხები არის ხალხის. მე დავამატე — ეს თანხები მართლაც, როგორც არასდროს ყოფილა, ისეა ხალხის. თითოეული ოჯახი პირდაპირ თუ ირიბად, არაერთგზის დაფარავს და ამ ქმედებაში ხელისუფლებას, კამპანიურობას ნამდვილად ვერ დავაბრუნებ.

ბატონი თემურ სალუქვაძის ეს ინიციატივა ნამდვილად ძალიან დროული და საჭიროა, რომ არ განმეორდეს ავტოკრატიული წარსული, როცა ისეთივე „განვითარების ფონდი“ გურიის რეგიონში, მთელი წინასწარჩვენო პერიოდის განმავლობაში დაკავებული იყო ამომრჩევლების 5-სნებად დაწინაურებით...

ბატონი თემური და ასევე კიდევ სხვა ღირსეული და კომპეტენტური პიროვნებები ერთობლივად არ დაუშვებენ, რომ ერთი თეთრიც არამიზნობრივად დაიხარჯოს.

საზოგადოებას ვთხოვ, გამოიჩინოს მეტი გონიერება და პასუხისმგებლობა. ნუ დავიარაზებთ სამთხოვროდ ყველა, განურჩევლად იმისა, გვშია თუ გვწყურია, ვცნობ თუ არ ვცნობ, გვტყობ თუ არ გვტყობ; დაფიქრდეთ, საიდან უნდა მოდიოდეს ეს ფული, ვინ იძლევა მუქთად რაიმეს, რას ვაწარმოებთ და რის ექსპორტს ვწვევთ ისეთს, ვალუბა და თვალ-მარგალიტი რომ გვიჩხრიალებდეს საჭურჭლეში; თორემ ძლიერი ამა (მათთვის) პროექტისანი თავისთვის გამოსავალს ყოველთვის იპოვიან, ისევე გამოიგონებენ ჯანყს, ბუნტს და ისევე ხალხზე გადაივლის სისხლის და ცრემლის წვიმები... და შემდეგ, ოკეანის გაღმევი-გამოდმელები დახმარებას რომ გამოგზავნიან, საიქიოში აღარ გამოგვადგება. ვაგინსენოთ „ვისი გორისა“ ვართ. გურიის ქვეყანა ხომ ღირსეულთა საკანე იყო ყოველთვის. დადგა დრო, ქუდზე კაცისა. დათა თუთაშხია გვჭირდება დარჩენილის გადასარჩენად, მანდილის და ღირსების დასაბრუნებლად! გურია, სამშობლო გვეძახის!!!! „სოს“... მამულზე ფიქრით და ზღვა სიყვარულით

**ნანა (ნანული) ჭანუყვაძე.**



ამასწინათ ერთმა ჩემმა მეგობარმა ასეთი ანეგდოტი მომიყვა:—ერთ ქართველ კაცს კარებზე მიუკაკუნეს, მაგრამ ის კარებს არ აღებდა. როცა კაკუნი არ შეწყდა, იგი იძულებული გახდა, კარი გაეღო. როგორც კი კარი გაიღო, ორმა პიროვნებამ სახეზე ნიღაბი გაიკეთა და პატრონს სახლში შესვლა უბრძანა. როცა მასპინძელი მიხვდა, რაც ხდებოდა, გაეღიმა და შვიდად უთხრა მოძალადებს—მობრძანდით, თქვენ ავამუნათ ღმერთმა, ყაჩაღები ყოფილხართ, მე შევმინდი, სტუმრები მეგონეთ და სახლში თითქმის არაფერი მაქვს სტუმრების მისაღებად და თქვენ თუ რამეს ნახავთ, წაიღეთ, ღმერთმა შეგარგოთ.

ეს ანეგდოტი თანამედროვე ახალ-გაზრდებმა შეიძლება ვერც გაიგონ, რადგან სტუმართმოყვარეობა და სტუმრის გამასპინძლება თანდათან კნინდება, რაც უაღრესად სამწუხაროა.

მე მინდა ჩემი ცხოვრების ისტორიიდან რამდენიმე მაგალითი მოგიყვებო ქართულ სტუმართმოყვარეობაზე და ქართული სუფრის ღირებულ ტრადიციებზე.

გასული საუკუნის 70-იან წლებში მე გახლდით ანასეულის ჩაის მრეწველობის საკავშირო სამეცნიერო-კვლევითი ინსტიტუტის დირექტორი.

მოგესხნებოდათ, იმ პერიოდში საქართველო უამრავი სტუმრის მასპინძელი გახლდათ. მათ შორის, რა თქმა უნდა იყვნენ უცხოელებიც.

ერთხელ გვესტუმრა ფრანგი სპეციალისტი ლეონ პრიფტი, რომელსაც ერთიანი სტაჟირება უნდა გაეკეთებინა და დეტალურად გასცნობოდა ჩაის დეგუსტაციას. იგი ჩვენს ორთახიან სასტუმროში მოვათავსეთ და შემდეგ შედგა სია, თუ რომელ დღეს, ვის ოჯახში უნდა წასულიყო სადილზე ან ვახშამზე.

სამი დღის შემდეგ პრიფტი ჩემთან შემოვიდა და მორიდებით მითხრა (რუსულს კარგად ფლობდა):—ბატონო არსენ, ყოველდღე ასეთი დიდებული სადილის ან ვახშამის გადახდის საშუალება მე არ მაქვს და თუ შეიძლება სასადილოში ვისადილებო...

—არაფერს ვახდევინებს, თქვენ სტუმარი ხართ და გაპატიჟებენ მეთქი—უთხარი მე.

მან რათქმა უნდა ჩემი ასხნა ვერ გაიგო, მხრები აიჩეჩა და კაბინეტთან გავიდა. სტუმარიანობა კი, რა თქმა უნდა გაგრძელდა.

ორი დღის შემდეგ ის ისევ შემოვიდა ჩემს კაბინეტში და ასევე მორიდებით მითხრა:—სულ იმაზე ვფიქრობდი, რომ ეს უცნობი ხალხი ყოველდღე რატომ მპატიჟებენ და ბოლოს მივხვდი.

—რა მიხვდით მეთქი,—ვკითხე მე.  
—ისინი თქვენი თანამშრომლები არიან და თქვენ, როგორც დირექტორს გაპატიჟებენ და მეც ამ „სოსში“ ვავდივარო.

—ვერ ვაგივიათ სწორად ბატონო ლეონ. თქვენ უჩემოდაც რომ მიხვდით ნებისმიერ ქართულ ოჯახში სტუმრად, ასევე მიგიღებენ და ვაგიმასპინძლებიან მეთქი,—უპასუხე მე.

—მაგას ნამდვილად ვერ დავიჯერებო,—გაოცებულმა მიპასუხა.

# ჩვენი ტრადიციები

—მაშინ ასეთი ექსპერიმენტი ჩავატარეთ მეთქი,— შევთავაზე მე. —აი, ჩავსდეთ მანქანაში, წავიდეთ ნებისმიერი მიმართულებით, და თქვენ თვითონ აირჩიეთ სახლი, ხომ არ შეიძლება ყველა სახლში ნაცნობი მყავდეს მეთქი,—უთხარი.

იგი სიამოვნებით დამთანხმდა ამ წინადადებაზე და ჩვენ გავწვიეთ ლიხაურის მიმართულებით. გაცვდიო ცენტრს და გზა გავაგრძელეთ ნიაბურის მიმართულებით. შემოდგომის პერიოდი გახლდათ და თითქმის ყველა ოჯახში მოტეხილ სიმინდს არჩევდნენ და ჭირნახულს აბინავებდნენ. მან ისეთი სახლი აირჩია, რომლის ეზოში რამდენიმე პირი სიმინდს არჩევდა. მე ჭიშკართან მივედი და მასპინძელი მეთქი—დავიდახე. ჩემსკენ სწრაფი ნაბიჯით ქალი გამოემართა, ალბათ ამ ოჯახის დიასახლისი იყო. მე მას მორიდებით ვუთხარი, რომ უცხოელ კაცს უნდა მათი ოჯახის გაცნობა. მან ფართოდ გაგვიღო ჭიშკარი—მობრძანდით, ჩემო ბატონო გეთხრა და საკმაოდ ხმამაღლა დაიძახა:—ლადიკო! გოგუცა! —არიქა, გამოდით, გამეიტანეთ მაგიდა, უცხო სტუმრები გვესტუმრებო.

შუა ეზოში ლამაზი კოპიტის ხე იდგა. სწრაფად გამოიტანეს სუფრა, სახელდახელო ხილით: კარალიოკით, ყურძნით, ლეღვით და მოხარშული სიმინდით გააწვეეს. ბატონმა ლადიკომ შესანიშნავი სათლის არაფი მოიტანა და მაგიდასთან მივიპატიჟა, ხოლო ქალები სწრაფად გაემართნენ სამხარეულოსკენ სადილის მოსამზადებლად. ჩვენ კი მაგიდასთან დავსხვდით. მე დავლოცე ოჯახი, ბოდიში მოვუხადე, რომ დარჩენა არ შეგეძლო და ლეონს გადავხედე, რომელიც გაკვირვებისაგან გაოგნებული იყო და მე მას ვკითხე:—ლეონ, თქვენ იცნობთ ამ კაცს?

—რა თქმა უნდა არაო,—მიპასუხა. ახლა ბატონ ლადიკოს ვკითხე:—თქვენ თუ იცნობთ ამ კაცს მეთქი?

—არა, არ ვიცნობ, მაგრამ კი ვიცი ვინ არისო.

—ვინ არის,—გაკვირვებულმა ვკითხე მე.

—სტუმარი გხლავთ,—მშვიდად მიპასუხა მან.

როცა ლეონს ლადიკოს სიტყვები გადაუთარგმნე, ის კიდევ უფრო გაოგნებული დარჩა.

ჩვენ დიდი ბოდიში მოვუხადეთ ოჯახის ყველა წევრს, მადლობა მოვასხენეთ, მანქანაში ჩავსხედით და უკან დავებრუნდით. ანასეულამდე ისე მოვედით, რომ გზაში ლეონს ხმა არ ამოუღია. მასტუმრობდე მივაცილე, დამშვიდობებისას უაღრესად გაკვირვებულმა მითხრა:— მე ალბათ მსოფლიოს 20-მდე ქვეყანაში ვარ ნამყოფი, თითქმის ყველა კონტინენტზე, მაგრამ მსგავსი რამ არსად არ მინახავსო.

—თქვენ ბედი გქონიათ, რომ ჩვენს ქვეყანაში მოხვდით და ნახეთ, რომ ჩვენ განსხვავებული ტრადიციები მატარებელი ხალხი ვართ. როცა მან სტაჟირება დაამთავრა და ბათუმის აერო-

პორტიდან მოსკოვში მიმავალს ვაცილებდით, ცრემლნარევი ღიმილით მითხრა:— ერთ რამეს ვთხოვ განგებას, იმდენი ძალა მომცეს, რომ, რაც აქ ვნახე და განვიცადე, გადამაცემინა ჩემი ხალხისათვისო.

კიდევ ერთი შემთხვევა მინდა მოვიგონო, რომელიც ჩვენთან პოლონეთის დელეგაციის სტუმრობის დროს მოხდა.

როცა დავამთავრე ოფიციალური ღონისძიებები და სადილად ვისხედით, მე მორიგი სადელეგაციო წარმოვითქვი დიდ სამამულო ომში დაღუპულ პოლონელ მებრძოლთა შესანდობარი და ვთქვი, რომ პოლონეთი მეორე ქვეყანა იყო საბჭოთა კავშირის შემდეგ, რომელმაც ყველაზე დიდი ზარალი განიცადა ამ ომის გამო. როცა სადელეგაციო დავამთავრე და დავეჯექი, გვერდზე მჯდომმა ქალბატონმა საკამოდ გამართული რუსულით მითხრა, რომ თქვენ ახლა ჩემი ძმის შესანდობარი სადელეგაციო დალიეთო.

—თუ ომში დაიკარგა, ეს სადელეგაციო მასაც ეკუთვნის მეთქი, ვუთხარი მე.

—ღიახ, იგი ომში დაიღუპა, მე კიდევ მყავს ორი ძმა და როცა დაებრუნდები, აუცილებლად ვუტყვი, რომ ჩვენი ძმის შესანდობარი დალიეს საქართველოში მეთქი.

რახან ამ ქალბატონმა ასეთი ინტერესით გამოხატა ჩვენი ტრადიციების სიკეთე, მე მას ავუხსენი, რომ ჩვენთან ასეთი წესიც არსებობს, —როცა ოჯახის რომელიმე წევრი გარდაიცვლება, იმ ოჯახში მის შესანდობარს განსაკუთრებული სასმისით სვამენ და ამ სასმისით ოჯახში სხვა სადელეგაციო არ შეისმება. როცა ეს ავუხსენი, იქვე მაგიდიდან პატარა ყანწი ავიღე, ვაჩუქე და ვუთხარი, რომ თქვენმა ძმებმა და თქვენ, თქვენი ძმის შესანდობარი ამ სასმისით დალიეთ მეთქი. სტუმარი ქალბატონი ისე აღელდა, რომ სადილობის დამთავრებამდე ადგა მაგიდიდან და თვალცრემლიანი დაბრუნდა ავტობუსში.

გაცილების დროს მან მორიდებით გამიხმო გვერდზე და მასთან სურათის გადაღება მთხოვა.

აი, ასეთ შთაბეჭდილებებს უქმნიდა უცხოელებს ჩვენი ტრადიციები და მაგიდის წესები. სხვათაშორის უნდა აღინიშნოს, რომ შესანიშნავი ქართული ცეკვები და სიმღერები ამ ტრადიციებთანაა დაკავშირებული და ჩვენმა მომავალმა თაობამ კარგად უნდა გააცნობიეროს, რომ ყველაფერი ამის დაკარგვა და თუნდაც დაკნინება დაუშვებელია.

## არსენ კეჭავაძე

საქართველოს ეკოლოგიურ მეცნიერებათა აკადემიის წევრ-კორესპონდენტი, ასოცირებული პროფესორი.

**სურათზე:** ვიეტნამის სოფლის მეურნეობის მინისტრის მოადგილე სადელეგაციო დარბაზში (ეს დარბაზი მხატვარ ვახტანგ მაძიშვილის მიერაა გაფორმებული).





# „მერცხალი“ კლვი-ოფუი

მას შემდეგ, რაც საქართველოს პირველობის I ლიგაში, ოზურგეთის „მერცხალის“ უშუალო მდევარმა ჭიათურამ, გათამაშების ბოლოსწინა მატჩში თბილისის „ლოკომოტივთან“ მხოლოდ ფრეს მიაღწია, მიუხედავად ბოლო ტურის მატჩებისა („მერცხალი“ ნეიტრალურ მოედანზე ხარაგოულის „ჩხერიმელას“ შეხვედრა) ოზურგეთლები II ადგილზე არიან და ბათუმის „დინამოსთან“ ერთად უმაღლეს ლიგაში გადასასვლელად პლეი ოფში თამაშის უფლება მოიპოვა.

## გულით ნათქვამი

ერთმანეთისათვის განსაკუთრებული არაფერი არ გავიკეთებია. არც ნათესაობა გვქონია, მაგრამ რატომღაც ახლო ვიყავით ერთმანეთთან, სხვებზე მეტად ვგრძობდი თანადგომას და მხარდაჭერას.

შეიძლება მოხდეს ისე, რომ შენ შენი სურვილით შეიცვალო საცხოვრებელი და გადახვიდე შენს ახლობლებთან, რაც ალბათ სიამეს მოგგვრის, და ბოლოს და ბოლოს ასეც უნდა იყოს, მაგრამ დარწმუნებული იყავი მურმან, რომ არ დამავიწყდება შენი სამსახურის შედეგად შექმნილი მძაკ-ცუბის ურთიერთობა, იქ გატარებული ხალისიანი დღეები, თუქცა ხანდახან მშფოთვარე, მაგრამ მაინც კარგი. ამიტომ მაღლობა შენ, ამას რომ ახერხებდი და გვაკავშირებდი ერთმანეთს!

მე პატარა, ჩემბური სტრიქონით მინდა მოგვეფერო და მაღლობა გითხრა.

პატივისცემით, შენი უმცროსი მეგობარი **ტრისტან სინარულიძე**.

ეს! მურმან ჩემო, მიდის წლები და თან მიაქვს ჩვენი ლაღი ცხოვრება, ჩვენ ბებერ მხრებზე უკვე ვიგრძენით დაუძლეულების მოახლოება.

მაგრამ რადგანაც სიკეთეს თესავ არც აწინდელი გავიჭირდება, სიმშვიდე გვმართებს, მხოლოდ სიმშვიდე და მომავალი გავიჭირებინდება. ჩვენ განვლილ წლებს ერთად ურცხვენლად რასაც თან ახლდა ურყევი ძმობა, კიდევ ვიაროთ, მუდამ ვიაროთ, ვიაროთ ერთად — მაშ, გამარჯვება!

## ეს რა სიმდიდრე გვქონია

სასწავლო თემატიკასთან დაკავშირებით, დაგვგმეთ ოზურგეთის ისტორიული მუზეუმის განახლებული ექსპოზიციის მონახულება, რათა მოსმენილი ნაწილი შეგვეკვებინა. რომ არაფერი ვთქვათ გამოჩენილ ყურადღებაზე, თანამშრომელთა ერთსულლოვნებასა და პროფესიონალიზმზე, რაც მუზეუმის ექსპონატების გაცნობის მანძილზე დიდი სიყვარულით მიმდინარეობდა, დაინახეთ მათი უზარმაზარი მოკრძალება თითოეული ექსპონატის, თითოეული საფეხკის, ბუნიკის თუ ხელცულის მიმართ.

როგორი მოკრძალებით, სიყვარულით ესათუებთან თითოეულ ნივთს.

გამოფენილიდან ნათლად ჩანს გურიის წარსული. ანტიკურ სამყაროსთან საგაჭრო-კონომიკური ურთიერთობით, ყოფითი ცხოვრებისეული ნივთების სიმრავლე, ნუმისმატიკური სიმდიდრის მრავალფეროვნება.

მართლაც რომ განახლებული მუზეუმი დაგვხდა. ეს რა ისტორიული განძის მფლობელი ვყოფილავართ. 38 წლის პედაგოგიური სტაჟის მქონეს, თითქოს მუზეუმთა სიმრავლე და სიმდიდრე არ უნდა მოცდებდეს, მაგრამ ეს ხომ „სალოცავ-სათაყვანო ჩემი ლამაზი გურიის“ წარსულია. ალბათ ამიტომაც არ დამაყენა რაღაცამ, ეს წერილი დამაწერინა.

გმაღლობთ ყველას ვინაც განახლებულ მუზეუმის ექსპოზიციას ვინაც გაამდიდრეთ თქვენთვის საყვარელი, მაგრამ მუზეუმისათვის უფრო აუცილებელი ნივთით.

გმაღლობთ, მუზეუმის მეცნიერ-მუშაკს ქ-ნ მანანა მემარ-ნიშვილს მიმზიდველად საინტერესო საუბრისათვის. მაღლობა ქ-ნ ლია ლეკავას თბილად მიღებისათვის.

იმვე დღეს მოვინახულეთ ჩვენი საყვარელი თეატრი. დავესწარით დასის რეპეტიციას. შევხვდით ბ-ნ ზაზა ჯინჭარაძეს, ჩვენს საყვარელ ბელა მასწავლებელს, ქ-ნ ხათუნა გეგაძეს, რომლებმაც ძალიან თბილად მიგვიღეს.

შთაბეჭდილებით დატვირთულნი და აღფრთოვანებულნი ვართ. ეს რა თბილი და გულისხმიერი ხალხი შემოგვხვდა. ნეტავი ჩვენს გარშემო სულ ასეთი ატმოსფერო იყოს.

**ბ. ბიორბაძე**

შემოქმედის საჯარო სკოლის VII კლასელთა თხოვნით (ისტორიის მასწავლებელი)

# ნიკუშა მახარაძის ბახსენება



ვაი იმ დედას, რომელსაც შვილის გახსენება დაუწევს სასტიკმა ბედმა.

მეთთხე წელია, მარტის მოსვლა იარებს უმწკვავებს, ყოველდღიურ ზრუნვა-განსაცდელში განივთებულ ტკივილს ახალი ძალით უღვიძებს შენს უბედურ მშობლებს.

არადა, როგორ გვიყვარდა ეს თვე!

მარტის თვეში ღმერთმა გვიბოძა ქალიშვილი, შენი უფროსი და, ახლა შენზე მგლოვიარე და დამწუხრებული, შენი მაცაცო. მარტში უფალმა მოგვივლინა შენი ბოლოლა ბიჭი საბა, რომელსაც ანთებული სანთელივით შევყურებთ.

მარტმა ბევრი სიხარული მოგვიტანა, მაგრამ მარტმა საშუალო გლოვისთვისაც გაგვწირა.

ამ თვემ სიკვდილის განაჩენი გამოგიტანა შენ, ჩვენ კი, სანამ ცოცხალი ვიქნებით, გლოვა, მონატრება, ლოცვა, ცრემლი დაგვრჩა ნუგეშად. თუმცა ნუგეშს მაინც ვერსად ვპოვებთ. ესაა, ცხოვრება თავისას მოითხოვს, შენს პატარა საბას და ახალგაზრდობაში დაქვრივებულ, ზნეკითლ მეუღლეს, გვერდით ვუდგევართ ამ გაუსადღის ყოფაში.

სხვაგან სად უნდა ნახოს ადამიანმა დედაშენი, მამაშენი და შენი მეუღლე, თუ არა შენს საფლავზე!

ვაი, რომ ვერაფერს გშველით!

ოთხმა წელმა მკაცრი, სასტიკი გაკვეთილი ჩაგვიტარა...

შენი სულისთვის ვლოცულობთ, თავად კი ველოდით, ველოდით როდის ინებებს უფალი ჩვენს შეხვედრას იმ ქვეყნად. ეს გვასულდგმულებს მხოლოდ.

კიდევ ერთი გაზაფხული მოგვილოცავს შენთვის, ჩემო ლამაზო, ცისფერთვალა ბიჭო, დედამისი დაუცხრომელო ტკივილო და მონატრება.

ნათელში გამყფოს მამაზეციერმა. შენს ნაცვლად შენი სახელით შენივე შვილები ივლიან ამ მიწაზე. ივლიან და არასოდეს დაივიწყებენ უდროოდ დაღუპულ მამას. მათ მომავალი გაუმერთალებს ამ მწუხარებას. მხოლოდ შენი მშობლები ვიარსებებთ წარსულის მოგონებებით, რადგან უშენოდ მომავალი მხოლოდ ტკივილით და მწუხარებითაა სავსე.

ამქვეყნად თუ იმიერსოფელს, უსაშველოდ გვიყვარხარ და გვენატრებო... ასე იქნება, ვიდრე პირში სული გვიდგას, ვილოცებთ შენთვის და სანთლებს დაგინთებთ კვლავაც და კვლავაც. შენი **ოჯახი**.

**პრობლემები გაქვთ დასუფთავებასთან დაკავშირებით? დარეკეთ: 27 44 67; (595)30 50 58. ოზურგეთის დასუფთავების სამსახური.**

# რენო ურუშაძე



ლების დირექტორი. 1994 წელს შეიქმნა შპს სააქციო საზოგადოება „ბუჟუქსი“, რომელსაც შემდგომ ბატონი რენო ჩაუდგა სათავეში. იყო ამ საზოგადოების დირექტორი და სამეთვალყურეო საბჭოს თავმჯდომარე. ეს ორგანიზაცია შემდგომში შპს სააქციო საზოგადოება „ეკა, საერთაშორისო ენერჯეტიკულ კორპორაცია“ ჩამოყალიბდა. რენო ურუშაძეს დიდი წვლილი მიუძღვის მდინარე კალუას მდინარე ბუჟუქსის სათავე წყალსაცავთან შეერთების პროექტში, რითაც ბუჟუქსის სიმძლავრე ერთი მეგავატი გაიზარდა.

გარდაიცვალა დამსახურებული ენერჯეტიკოსი, შპს სააქციო საზოგადოება „ეკა, საერთაშორისო ენერჯეტიკულ კორპორაციის“ დირექტორი და სამეთვალყურეო საბჭოს თავმჯდომარე, შესანიშნავი მოქალაქე და მეგობარი რენო ურუშაძე.

რენო ურუშაძე იმ თაობას ეკუთვნოდა, რომელსაც ბავშვობაში მოუწია ომის სიმძიმე, ამ ომში საუკეთესო მამისა და ახლობლების დაკარგვით მიღებული ტკივილი.

1949 წელს წარმატებით დაამთავრა ქ. ოზურგეთის №1 ვაჟთა სკოლა და მისაღები გამოცდები ჩააბარა საქართველოს პოლიტექნიკური ინსტიტუტის ენერჯეტიკის ფაკულტეტზე. ინსტიტუტის წარჩინებით დამთავრების შემდეგ თავისი სპეციალობით მუშაობდა რუსეთის ფედერაციაში, ქ. ააროსლავეში.

საქართველოში დაბრუნების შემდეგ იგი ბუჟუქსზე იწყებს მუშაობას, გამოცდილ ენერჯეტიკოსთან, საქართველოს დამსახურებულ ინჟინერთან, საუკეთესო ხელოვანთან და უდიდეს პიროვნებასთან ვიორგი სალუქვაძესთან. მან აქ, ვიორგისთან, შუქრი გოგელითან ენერჯეტიკის უკეთ შესწავლის დიდი სკოლა გაიარა.

ბატონ რენოს ნიჭი და უნარი შეუძნეველი არ დარჩენილა და იგი ქ. ოზურგეთის საქალაქო საბჭოს თავმჯდომარედ აირჩიეს. შემდეგ წლების განმავლობაში იყო ოზურგეთის ელქსე-

ვთან შეერთების პროექტში, რითაც ბუჟუქსის სიმძლავრე ერთი მეგავატი გაიზარდა.

ალსანიშნავია, რომ ბატონ რენოს გვერდით იდგნენ მისი საუკეთესო მეგობრები, აწ გარდაცვლილები: გამოცდილი ინჟინერი, სააქციო საზოგადოება „ბუჟუქსის“ პირველი დირექტორი გურამ ბურჭულაძე, კვალიფიციური სპეციალისტები ილია თოდრაძე, ნოდარ მახარაძე. (ამ უკანასკნელის დაკრძალვას იგი მძიმე ავადმყოფობის გამო ვერ დაესწრო).

რენო ურუშაძე ბუნების დიდი ქომაგი იყო. საუკეთესო მეზადურს, ბუჟუქსზე ბუნებრივ პირობებში ჰყავდა მოშენებული კალმახი. იგი იყო გაჭირვებულის დამხმარე და ქომაგი. სპეციალურად დადიოდა ოჯახებში დახმარების გასწავლად.

ძალიან ლამაზი ოჯახი ჰქონდა. მეუღლე, შვილები მათი ოჯახებით საზოგადოების ღირსეული წევრები არიან. ვაჟმა ლევანმა მამის გზა გაიმეორა და ისიც ქ. ოზურგეთის მერად იყო არჩეული.

წავიდა ჩვენგან დიდი მეგობარი, კარგი ადამიანი, რომლის ხსოვნა მარად იქნება ჩვენს გულებში.

**შპს სს „ეკა, საერთაშორისო ენერჯეტიკული კორპორაცია“**

**სურათში: რენო ურუშაძე, შუპრი გომეზია**

გაზეთ „ალიონის“ რედაქცია თანაუგრძნობს გაზეთის ყოფილ ფოტოკორესპონდენტს გიგლა ვიორგაძეს შვილის **დათო ბიორბაძის** გარდაცვალების გამო.

ზურთიკო ქავთარაძე იუწყება **რენო ურუშაძის** გარდაცვალებას და თანაუგრძნობს განსვენებულის ოჯახს.

არსენ კეჭავაძე, მურმან დუნდუა, ბადრი ინგოროყვა, ნუგზარ ასათიანი თანაუგრძნობენ ქალბატონ სულიკო ბუკიას ძმის **თენგიზის** გარდაცვალების გამო.

დედა ამალია, დისშვილები მარი, თალიკო, დათო; სიძე რაჟიკო მუჟავია; დეიდა ელიკო ჩხენკელი, ბიძა ნოდარ დონაძე ოჯახებით იუწყებიან **მირაბ რეზოს კე დონაძის** გარდაცვალებას. დაკრძალვა 15. 03, სოფ. თხინვალში.

**ქირავდება 200 კვ. მეტრი საოფისო ფართი, ქალაქის ცენტრში დაგვიკავშირდით: (599) 55 56 84**

**იყიდება კაპიტალური სახლი მაღალ ბაზალტოვით. ფასი შთაინახებით. მისამართი: ქ. ოზურგეთი, ჯავახიშვილის II შსს. №2. დარეკეთ: (593) 75 34 69.**